





内閣文庫			
番號	漢	230c	
冊數	160 (77)		
函號	290	43	





滿洲名臣傳卷三十九

查郎阿

三和鄂弼

黃廷桂

庫

烏爾登

新柱

三格

查郎阿列傳

查郎阿滿洲相白旗人姓納喇曾祖章泰以

軍功授雲騎尉祖查爾海復以軍功晉襲一

等輕車都尉父色思特由護軍從征噶爾丹

於烏蘭布通陣歿入昭忠祠查郎阿初襲世

職兼佐領康熙六十年授叅領雍正元年授

吏部郎中二年

特擢吏部左侍郎三年二月署廂黃旗滿洲
都統七月疏言直隸州州同州判向用捐納
貢監恐不足統所屬科甲出身之知縣請將
舉人及恩拔副貢補用下部議行五年四月
遷左都御史仍辦吏部事十一月西藏噶卜
倫阿爾布巴等戕總理藏務貝子康濟鼐扎
薩克台吉頗羅鼐以

聞

命查郎阿偕副都統邁祿率兵進藏六年四
月授吏部尚書九月奏言臣等五月自西寧
出口入月抵藏駐藏副都統馬喇學士僧格
及頗羅鼐已於阿爾布巴即會同鞫寔誅之
餘黨悉抵法十一月又奏藏事已定達賴喇
嘛移居裏塘臣遵

旨晉陝西四川兵各千支駐藏大臣調遣

報聞十二月奏言頗羅鼐爲唐古特眾信服
請令總理後藏事務其前藏據頗羅鼐舉二

人一色珠特色布騰一策凌旺扎爾俱授噶
卜倫但新任恐未妥協前後藏不遠暫令頗
羅鼐兼管俟達賴喇嘛移居畢昭地兵撤頗
羅鼐仍專管後藏

允之七年二月奉

旨查郎阿自藏回到西安協同川陝總督岳
鍾琪辦理軍需不必來京四月署川陝總督
八月奏改西安管糧通判爲水利通判移駐
涇陽縣之王橋鎮專管涇陽醴泉三原高陵

臨潼五縣隄築從之十月兼理西安將軍印
務加太子少保尋奏安西沙州等處屯民豐
收恐口內國戶乘機與販射利請嚴查禁並
諭屯民時存一年所需餘卽糶諸本地以濟
兵民食用

諭曰禁止奸徒射利辦理甚是但民戶餘穀
只許在本地糶賣尙未妥協朕思民戶盈餘
之穀原期糶賣以爲日用之資若本地糶穀
者少則出糶未免艱難不可不爲計及著該

滿洲蒙古兵暫駐肅侯山西綠旗兵千五百
地方官酌量情形動支官銀照時價糴儲備
用毋得勒賣滋擾十二月奏言甘肅近嘉峪
關兵馬出口頓宿米豆草價俱昂肅鎮兵餉
本色少折色多不敷糴賣請量增從之八年
十月

命在肅州辦理軍需仍兼川陝總督九年二
月增設四川總督查郎阿改署陝西總督四
月奏言大學士公馬爾賽等因岳鍾琪撥駐
肅兵四千出口肅州兵單議將撥到甘涼之

滿洲蒙古兵暫駐肅侯山西綠旗兵千五百
並附近肅州之提標兵三千五百派調到肅
再將滿洲蒙古兵移駐安西業奉

俞旨臣查肅州附近標營止有甘涼二州甘
州提標兵除派撥外止存千五百餘新募三
千軍裝及馬未齊涼州鎮標除派撥外止供
汛守不便再撥肅州現駐寧夏涼州固原兵
千五百又調山西兵千五百合鎮標兵六千
餘又寧夏滿洲兵千五百統計萬餘足資彈

滿洲各官傳 卷三十九
慶不必移應駐安西之滿洲蒙古兵亦無庸
再派五月又奏言奉

旨于湖廣買米循舊道運貯商州備轉運臣
查大學士等原議自襄陽至龍駒寨運價及
造船濟河每石費銀一兩龍駒寨至安西每
石二兩較西安米價已逾數倍商州處萬山
中丹江環之地氣潮濕商南雒南等縣環山
濱河亦難久貯陝省各屬存糧百二十餘萬
石更有扣存五分社倉銀經督臣岳鍾琪奏

明存庫未糴請動此項於新穀豐收明酌量
採買分貯州縣可省運費而散貯各處每年
出陳易新亦易均如所請十月準噶爾賊犯
阿濟卡倫蒙古游牧被掠

勅查郎阿安緝之十年七月

諭曰西路軍營事務岳鍾琪辦理總不妥協
著卽回京署陝西總督查郎阿年來辦理軍
務事事合宜克勝大將軍之任著署寧遠大
將軍印務但肅州路遠未便來京請訓今特

命大學士鄂爾泰馳驛前往肅州傳朕訓諭
並賞銀一萬兩十一年四月疏劾駐防廬集
副將紀成斌駐防烏克克嶺總兵張元佐漫
無偵察致賊劫掠糧車逃遁得
旨紀成斌在軍營正法張元佐降三級調用
八月奏報庫爾墨圖山賊五十餘來犯我兵
擊斬二十餘人餘俱生擒無一脫者
上諭獎之九月條奏禁止逃兵四事一律載
官軍從征私逃初犯再犯及知情藏匿俱分

別治罪誠恐愚悞懼重典請令該管大臣
飭將領頭目等明白曉諭俾知稟遵一自將
領至什長旗俱有管兵之責嗣後兵逃什長
旗卽日報明查緝逾限及徇隱者罪之如一
營內一月報逃二名以上逾限不獲該管分
別治罪一逃兵自悔報到無論初犯再犯俱
免罪人伍總以文到一月爲期許於所在赴
官投首轉押回營逾限自首者減二等治罪
仍准入伍自首復逃獲卽正法一逃兵必經

滿洲名臣傳 卷三十九
洪卡汎兵能查獲者視離營遠近酌賞官弁
託功如別經拿獲各汎卡失察弁兵分別議
處治罪軍機大臣議如所請尋疏劾總兵曹
勳奉派駐防哈密縱賊捏報奉

旨卽在軍營正法十月奏言冬令雪深應分
大兵駐防臣酌令副將軍張廣泗駐北山常
賚駐南山臣與叅贊穆克登等雷駐大營仍
不時親往南北兩路巡察並派總兵張朝良
等分防要隘

允之先是查卽阿疏劾副都統阿克山觀音
保所管馬倒斃走失有心玩悞部議卽在軍
營正法十二年三月查卽阿奏阿克山觀音
保所屬兵久居南方不知牧法較退縮竊換
者微別請暫停正法在軍管通衢枷號

詔徧諭軍營將士示警五月

諭北路定邊副將軍策凌來京會議軍務九
月張廣泗奏大敗賊于鄂隆吉爾大坂俘斬
甚眾

命議敘在事將弁並

諭曰署大將軍查郎阿雖奉調遣來京然自統兵以來與張廣泗同心協力整飭戎行鼓勵士氣此番克捷亦由平日訓練整頓之所致著一併從優議敘十三年五月噶爾丹策凌乞和查郎阿遵

旨以次撤大兵還六月奏西路駐防事宜一邊界定後廷議罷兵千巴里坤二千哈密二千查巴里坤隘口處處可行二千兵盡數派

防亦不足用至哈密二千屯田則不敷巡防則難徧且兩處中隔南山大坂呼應未便與其分駐兩地不若合駐山南請增兵一千合爲五千哈密寔駐三千其西三堡沙棗泉東北塔勒納沁並有城堡各駐一千聯絡方嚴密一哈密夏熟軍營馬駝應每年草肥之時撥兵二千攜至山北呼齊爾台沙山子鹿心山等處牧放增斥堠防守秋深仍回山南又南山大坂爲哈密北面屏障烏克克嶺爲三

清沙在自傳 卷五十一
堡沙棗泉要隘塔勒納沁河源爲塔勒納沁
要口應分設斥堠撥兵瞭望一哈密貯糧充
足且有蔡巴什達里雅屯田可供三處兵糧
無庸輓運一留馱巴里坤兵已闕七載應悉
撤預選安西瓜州兵四千俟巴里坤兵撤回
卽令大員領赴哈密駐防以均勞逸得
旨允行又條奏六事一巴里坤兵撤後廷議
于安西增提鎮各一兵一萬攜眷駐防聲援
哈密查兵萬需糧十萬安西屯糧不敷城堡

營房事事需籌不若於甘肅提督肅州涼州
西寧安西四鎮各撥兵一千更番迭戍無庸
于安西增兵一撥陝西督標兵千固原提標
及各協千五百延綏千寧夏千河州五百合
五千在赤金靖逆柳溝布隆吉爾橋灣五處
駐防附近俱有牧場一赤金等五處兵則以
二年全行更代哈密兵年更一半其半熟練
卽可教習一半新兵一哈密及赤金等處兵
五千應以總兵二員副將二員統領分轄赤

金等處總兵副將于兵丁更代時俱更哈密
總兵副將令一年更代庶屯田斥堠有新舊
大員相間管領一哈密兵屯種收穫足供口
糧其各衛所管屯田畝應悉與安西鎮標營
兵丁屯糧如再不敷照例給折色一肅鎮臨
邊請增城守一營設都司千總各一把總二
撥步兵二百專司城守汛防廷議如所請行
並議再令提督一員駐哈密節制兩鎮居中
調度從之先是

上軫念從征將弁

勅陝西等省現出各缺十中六三陞補出征
之員至是西路兵出凡陞補他省者應各赴
新任查郎阿奏言陞補中缺甘肅人員隨征
年久今甫回籍又遠赴新任或無力攜眷同
往畱又無人養贍請將現在軍營陞補直隸
省之千把總畱陝甘各營遇缺挨補
上以候缺需時令現任千把總未出征者開
缺以畱陝人員補用七月授大學士仍管總

督事

諭曰西路官兵前因岳鍾琪調度失宜諸事廢弛遂致軍氣不揚士心不振自雍正十年查郎阿統兵以來與張廣泗同心協理事務整頓時時訓練凡行間將士俱知奮勇効力營伍爲之改觀所以十一年十二年賊人兩次侵犯卡倫俱爲我兵拏勦未令免脫且賊人因我軍嚴整畏憚服從前狡獪伎倆不敢復逞此皆查郎阿辦理妥協之所致今大

兵撤回查郎阿張廣泗俱著交部從優議敘尋議加三級八月

命爲文華殿大學士兼兵部尙書是年仍改陝西總督爲川陝總督乾隆元年三月奏言巴里坤兵現遵

旨撤還內有勇健營一千一百名係新設別無營汛撤回難于部署且係十五省所選伎勇離家日久聚處恐不相宜請各歸本省發督撫提鎮隨標入伍効力不願者聽

上報可初查卽何以甘肅地瘠請酌撥陝西
倉儲預籌協濟以裕民食

詔會同陝西巡撫劉於義確議五月會奏協
濟六事一原奏撥陝糧六萬石以四萬濟平
涼二萬濟慶陽今固原等處缺糧請增撥二
萬石俟麥秋後陸續撥運照軍需例給價一
撥糧原按西安十二州縣倉貯多寡均派咸
寧長安各三千石涇陽醴泉興平各六千石
乾州七千石咸陽五千石永壽四千石富平

三原各六千五百石高陵藍田各三千五百
石合六萬石今增撥二萬應于附近各屬酌
撥一糧由北路運往若逐站轉運則富平等
縣止數十里總滙於乾州永壽等處接運勞
逸不均應令各州縣直送各處交收一原奏
所運糧分貯涇州長武查長武屬陝西涇州
距慶陽各屬尙遠今議以二萬石由涇陽九
條溝直運慶陽其餘六萬石仍運至涇州分
別接運勻貯再會寧安定靜遠三縣山田歉

收附近無可協濟應於運涇糧內在靜寧固
原二州多貯數千石以備三縣不時之需一
口袋舊存十四萬五千條或雙套或修補卽
可備用至慶陽涇州卽留備接濟分運仍按
數收貯一甘民素無蓋藏平慶尤甚豐年盡
糴所有折價頓減稍歉則價頓昂請嗣後豐
年隨時採買積貯民免熟荒之累得
旨妥協之至著照所議行六月疏劾原任甘
肅巡撫許容匿灾殃民營私樹黨各款

命革職拿解來京部擬杖徒援免八月奏陝
甘標營生息銀兩五事一營運之宜變通也
各營兵借債輸利貧無底止欲除私借須官
借之條凡兵丁急需許呈明該管千總把總
轉查寡係無力卽以生息銀會同地方官借
給每兵不得過五兩一分起息於應領餉銀
內分五季扣除扣還仍准借給一生息之宜
因地也地方有豐嗇生息亦應有重輕延緩
鎮協地處極邊當商領運應照例一分起息

此外量爲輕減一本銀之宜畫一也生息銀兩原係惠濟兵丁向止議及督撫提鎮各標營而協各營路未及應照雲貴例每兵一名給銀二兩營運生息以乾隆二年爲始按各標營協路兵數均給一收放之宜慎重也營中收貯經理恐不免私弊請地方官貯庫聯銜動支該管大員不時盤查如通同徇隱及失于覺察照例議處賠補一賞恤之宜酌量也各營生息既作賞銀直量入爲出應先儘

現派駐防哈密赤靖等處兵萬名酌定其家遇喪事賞銀六兩吉事賞銀四兩存營兵照防兵減半又言口外大通地方旣設營汎流移蒙古不便容留原有該營之札薩克卽交收管卽查附近各部落分別安置如已立產地方官估價給令另置無則查按戶口給半再違例容留者兵民治罪衛營官失察議處疏入

詔均如所請行九月來京

陞見

諭速回西安十一月奏言陝省屯田之賦更重于民田昔年糧從地起丁由人出故屯田賦重而丁銀稍輕經前督臣岳鍾琪奏將通省丁銀攤入地糧屯田地每畝一石折銀一兩均載丁銀一錢五分糧輕丁重民戶減除甚多糧重丁輕者有增無減請照前奉恩旨豁除俟下屆編審將通省新增應完之丁銀均攤于民戶地糧漸補足原額即行停

止永不加賦則以糧載丁之案不必紛更屯累稍紓再查陝西馬步俱係招兵食餉獨督火器營兵一千於咸長等州縣屯丁內撥補每名月給餉銀七錢餘皆屯民津貼或本人當兵合衛代完錢糧或出營僱人其人稍不遂意逃避勒措又向本衛拔補滋擾無已請照鎮標步兵例招募差捺不在屯衛拔補庶各縣屯民永免幫貼之累又言屯衛地丁久歸州縣初時恐公務浩繁應役需人將屯

丁畱用二千每丁受旱地一頃將額徵米二石二斗豆一石八斗布銀四錢二分留爲應役工食近來差務漸減各衙門皆有經制人役且一丁受地一頃終歲服役不遑盡力農畝俯仰何賴更有本身不能應役僱人代替亦有各衙門不用供役勒折軍錢弊難枚舉請將屯丁二千裁留一千各衙門少一千屯軍卽各州縣多一千農夫錢糧歸于有用屯困亦稍甦其留丁一千名工食外再給銀二

兩計共銀二千兩在司庫按季支領均從之先是查卽阿泰銷軍營節年餉斃及竊失馬駝過多經戶部勒令賠補二十十月奏言軍營弱度在大將軍果指示得宜何至牲畜被竊所有雍正八九年巴里坤被竊馬駝應責岳鍾琪賠補十一年五月柏楊溝被竊馬駝責臣賠補惟雍正九年鄂爾多斯牧廠走失馬駝仰祈

聖主念該部落隨征數年尙屬奉公副將馬

順暨滿洲驍勇等營官兵亦頗著勞績均准
免賠至節年倒斃馬駝因從內地出口跋涉
數千里軍營氣寒耕作馳驟筋骨俱傷是以
更多懇

恩軫念未弁窮兵免其賠補

上特許之三年三月疏忝肅州道黃文燁軍
需道沈青崖庫官石日璉營私侵帑請草審
劉於義總理軍需縱容徇庇併附奏

上命左都御史馬爾泰等會鞠得寔治罪如

律五月奏言涼州莊浪建滿城並衙署營房
原估銀五十二萬八千六百餘兩緣募附近
番土民人用工少而得力多節省銀二十二
萬三千有奇臣查問邊地見肅州涼州城垣
坍塌平番大通河橋梁被衝請撥銀三萬六
七千兩興修從之又言章家呼圖克圖奏請
以裏塘巴塘等地方賞給達賴喇嘛經議政
大臣等令臣悉心籌畫咨商雲貴總督慶復
妥議臣查達賴喇嘛爲番夷各部所尊崇

清史各官傳 卷三十一
聖祖仁皇帝時克西藏設床加封駐兵戍守
洵安邊至計然由滇蜀至西藏途遠勢隔是
以將裏塘巴塘等處收歸內地以利糧運雍正
正三年將察木多以內各處頭人給土司職
銜爲打箭爐保障察木多以外給達賴喇嘛
每年賞達賴喇嘛茶五千觔班第額爾德尼
茶二千五百斤加恩已渥今若再賞裏塘巴
塘令番眾赴藏納差將來駐藏兵撤倘有巨
測打箭爐外沿途無不阻梗惟是藏中大小

箭廟千餘所常在喇嘛四十餘萬用度浩繁
今章嘉呼圖克圖亦止因日用不敷起見請
照裏塘巴塘等處每所細數目在打箭爐商
稅銀內按數賞給于每年達賴喇嘛差人領
茶之便給令帶回其地仍隸內地奏入
上嘉納之十二月奏言寧夏地震臣聞報卽
攜銀馳往撫綏被災兵民又撥固原兵六百
協看巡防得

旨嘉獎四年三月奏言督標四圍空地及收

回將材等項地畝計十八頃有奇前督臣岳
鍾琪奏准招佃收租借給乏食兵丁照社倉
例加二起息還倉以備補造器械比年因雨
澤愆期積欠二千餘石請准豁免並請嗣後
查寔在乏食兵丁准將所借照市價于月餉
內陸續扣還免其加息
報聞五年四月
命還京入閣辦事五月加太子太保七月
御製詩賜之

詩曰玉佩資調燠西陲運計籌持鈞推舊德
補衮著嘉猷可繼蕭曹業還同韓范儔江湖
與廊廟莫釋一心憂六年奉
命階侍郎阿里衮清查黑龍江吉林烏喇等
處開墾地畝事竣還京十二年三月因衰病
乞休

命以原官致仕九月卒子邁拉遜襲世職

三和列傳

三和滿洲廂白旗人姓納喇雍正二年由護

軍校授三等侍衛初三和會叔祖拜庫達以
軍功授二等輕車都尉卒兄子瑪察襲卒子
瑪爾賽襲四月三和降襲騎都尉乾隆元年
四月授二等侍衛五年晉一等侍衛六年三
月授總管內務府大臣六月署戶部侍郎七
年寔授八年十月管理奉宸院事十二月疏
言親蚕典禮與親耕並重前代制度未備
皇上勅建先蚕壇爲曠世鉅儀請將建造壇
址宮殿規制及興工告成日期

宣付史館以光盛典從之十年正月

命赴甘肅會同巡撫黃廷桂勘估應修城堡
邊牆六月疏言自寧夏抵甘涼肅沿邊二千
九百餘里土牆多坍塌損我

皇上保人邊氓原不惜百萬帑金爲鞏固藩
籬計但一時並舉工費寔屬不貲且城垣爲
兵民依賴現所議修邊牆似可稍緩至通省
應修城垣須先其所急後其所緩查甘肅鎮
屬金塔協在極邊外甘州府爲五涼扼塞蘭

州府屬之河州狄道或控制邊口或水患衝
制請卽動項興修至平涼府固原州古浪縣
三城應次急其餘殘缺城堡需工料千兩以
內者飭地方官動工項按年修理千兩以外
委道府確估報部修補部議如所請尋
諭就近會勘陝西各屬城工奏言榆林府屬
之榆林麻谷神木三縣延安府屬之定邊縣
逼近邊牆鄜州安塞縣二城爲水所衝均應
急修靖邊延州米脂華陰咸陽等二十州縣

陸續遞修從之十一月調工部侍郎十三年
五月因辦理

孝賢皇后冊寶不慎議革職得

旨從寬畱任十月調戶部侍郎十四年四月
晉工部尚書兼議政大臣十二月

諭曰三和自補授尚書以來事事周章不能
妥協今御門聽政伊又遲悞不到乃器小易
盈不足勝任著以工部侍郎用眾佛保不識
漢字不必辦理部務其員缺卽著三和補授

十五年九月以私伐木植一案掩飾回護部
議草任得

旨從寬草職畱在註冊十月工科給事中珠
章阿疏叅工部承修

天壇內外圍牆銷冊與原奏不符且多碎磚
包砌

詔下工部堂官明白回奏三和等奏言壇內
三座門東西舊牆明嘉靖年所造俱三順一
丁成砌今所修圍牆與舊相連是以內圍四

面外圍東西南三面照舊成造其外圍北面
去內圍遠不見舊式隨一順一丁成砌查城
磚一塊之長與二塊之濶相等圍牆止二進
則三順一丁與一順一丁工料相同再圍牆
共三千二百餘丈包砌二層奏准裏用舊磚
砌完再用新磚並非私用舊磚言銷新磚價
值

諭曰此奏殊屬支吾三和委辦工務尤其專
責乃既已蹈過又復飾非著交部嚴議奏尋

部議草任得

旨從寬畱任十七年二月調戶部侍郎四月與海望等遵

旨查奏

兩郊壇宇工程所發物料銀過多自請議處草任註册十八年仍調工部侍郎時銅山河堤决尙書舒赫德等奏開引河濬上浙命三和率通曉測量之員馳赴工次測視二十三年以承辦塔工折製部議草任得

旨永遠停俸三十二年

上以三和行走多年年已七旬授內大臣尋命紫禁城內騎馬三十八年卒

諭曰內大臣工部侍郎三和宣力有年恪勤匪懈昨冬因患病請假隨命御醫診視時復遣使存問今夏特賞給人參俾得從容調攝以冀就痊忽聞溘逝深爲軫惜着賞銀五百兩料理喪事其任內草職降級之案准其開復凡有一切應賠應繳各項著加恩概行寬

免應得卹典該部察例具奏尋
賜祭墓如例諡誠毅子蘇第察襲世職

鄂彌列傳

鄂彌滿洲廂藍旗人大學士鄂爾泰第三子
乾隆五年授三等侍衛二十三年授漢軍正
紅旗副都統尋署刑部侍郎二十四年十月
授山西巡撫十二月奏辦賑四條一陽曲靜
樂岢嵐縣興縣積貯不敷散給已請撥南路
收存豫米三萬石但歲暮民多運貨糧運壅

滯請就近將忻州汾州府屬米借撥明春運
還一加賑口糧定例正二月開賑災重迫不
及待現飭加賑兩月者歲內先給一月折色
一月者先給半月折色餘俟明春按期補給
一將種按畝借給為數頗多百姓領借後將
粟穀易雜糧佈種給以折色為便一加賑口
糧照例題定本折色各半今奉

旨加增折價民間以領銀購雜糧充食為幸
請將加賑三月四月各給一月本色餘俱給

折色
上嘉勉之二十五年四月疏言陽曲縣王封
山場陽城縣東冶山場礮洞遼濶前撫臣明
德奏請稜駐同知每季輪派守備千把各一
帶兵巡查路遠費多巡查甫熟已屆更換請
就近移派汾州城守營千總兵六十駐王封
山隸太原營叅將轄潞澤澤城守營千總兵四
十駐東冶山隸澤州營都司轄仍令太原營
守備澤州營都司每季會同知巡查一次部

議從之五月疏言晉省連年偏災撥賑平糶
各倉穀尙未買補今平蒲絳解等屬麥熟請
將臨汾等州縣應買補穀一石收麥六斗米
一石收麥一石如無應補穀及出糶米並請
于司庫現存溢額穀價內酌州縣大小麥收
盈縮採買備次年糶借奏入

報聞六月疏言綠旗兵配執技藝分弓箭鳥
鎗籐牌大炮四項籐牌係短兵必大隊方可
衝突其摧堅致遠不及鳥鎗等項請將晉省

南北兩路各營額兵三百名以上仍設籐牌
兵三百名以下毋庸設挑技藝純熟者歸併
大營餘俱改爲鳥鎗弓箭兵七月疏言大同
府豐鎮廳朔平府寧遠廳所轄地在邊外通
判駐劄處無城庫獄防範難周請將鎮羗堡
把總移豐鎮廳仍歸德勝營叅將轄殺虎協
把總移寧遠廳仍歸本協副將轄各撥兵四
十以三十名防守庫獄十名妥設塘汛均下
部議行二十六年二月

上巡幸五臺

諭曰從前兩次巡幸五臺帳殿周廡隨常頓
宿今春恭奉

太后前詣臺山巡撫鄂弼於蒼陲頂側建蓋
行宮並於臺麓寺旁添設數楹以供安憩朕
詢工料費項乃出自養廉夫朕既不許派累
百姓而各官養廉原爲辦理公務乃薪水之
費今以之捐建行宮則甚不可著於存公項
內撥賞銀二萬兩以供鳩工飭材之用時

以上太原滿營城守尉歲支俸米百三十斛
銀百三千兩辦公拮据
諭鄂弼議給養廉鄂弼請照保定城守尉例
於文職空缺養廉內歲支給二百兩從之二
十七年五月調陝西巡撫兼署將軍尋疏言
西安駐防出旗爲民之驍騎校前鋒領催馬
步甲及炮手匠役千五百一名閑散丁壯二
千四百五十一名婦女幼丁奴僕四千九十
二名內出缺裁汰者止二百五十名閑散壯

丁仍居滿城依親朋餽口當差旗人更多重
累請選人材健壯者于督撫二標及城守營
步兵出缺與綠旗輪流間補裨有効用之路
近有潼關鳳翔等協並提鎮標營皆可移往
間補

詔如所請行二十八年正月疏言西安派往
烏魯木齊等處換班官六十一員兵二千三
百六十二名內有乾隆二十三年派往中途
減退回營者領過俸賞車價銀應于此次扣

除歸款但事經五載銀已用去現在辦裝拮据請先將車價扣還俸賞扣十分之二餘作四年分扣奏入

報聞五月疏言臣上年奏請興修鳳翔漢中通川棧道今查閱營伍順道詳勘自寶雞大散關至寧羗州與川省交界之七盤關止各工俱屆完竣但將來難免日久損壞請撥經費餘息銀一萬兩交南鄭十二州縣營運生息貯府庫責成漢興道總理隨傾隨修彙奏

核銷如應大加修治確佑奏明動工從之六月授四川總督未蒞任卒

諭曰鄂弼自簡任巡撫以來寔力宣猷恪勤懋著昨降旨補授四川總督正望其及時効力忽聞溘逝深為軫惜著加恩賞贈尙書銜入祀賢良祠應得卹典該部察例具奏尋賜祭葬諡勤肅

黃廷桂列傳

黃廷桂漢軍廂紅旗人父秉中官福建巡撫

清沙名目傳 卷三十一
有傳康熙四十九年廷柱由監生襲曾祖憲章所遺雲騎尉世職五十二年遷三等侍衛五十九年補叅領雍正三年授直隸宣化鎮總兵五年二月擢四川提督六月疏陳營伍地方五事一軍械宜速製川省三面環夷自平西藏青海後多缺額不堪用現飭確查修補一馬厰宜別建川馬本不高大又日繫槽致多羸斃現訪得豐樂場後荒山六十里派弁督牧其附廓舊厰追出募墾一士卒驕奢

宜禁川省自年羹堯濫賞放縱至今習氣未除理飭服用絹布毋借官制一番蠻防範宜密每歲十月間生熟番蠻至內地傭工名爲下垵次年夏初始歸近禁攜婦女隻身合夥成羣肆惡應飭攜家屬數名口方許至內地形跡可疑者查禁一汛守地宜均成都屬德陽仁壽二縣北南距數百里歸一把總駐防永寧協駐貴州永寧縣城中隔河河東隸黔西隸川兵民岐視非邊隘所宜奉

旨與總督岳鍾琪會商行十一月奏嚴緝竊賊及賭具

諭曰牧民之官果肯執法懲奸諒未有不畏懼者大都褻玩之生率由日久懈弛有意縱捨所致故禁令之弗行其咎惟在不公不明而不在于不嚴也夫法猶治病之藥取攻疾而已過於峻利則元氣必大傷知乎此斯知過猛之不足爲貴矣又奏建昌番蠻新隸版籍竊掠時聞臣飭拾嚴懲又省城設防火堆

棚三十每營救火兵二十得

旨嘉獎六年二月請設義學於提標五營及城守兩營


諭曰義學一事各省提鎮及駐防將軍等往往以此奏請朕俱未准行從來文武並爲國家器用不可偏有重輕汝意專以崇文爲善舉歟子弟讀書一道非魯鈍者所能須俊秀者方可夫以少年聰穎之資既習禮儀稍通文墨猶思荷戈執殳甘爲前驅乎勢必漸染

日久流爲怯懦將來俊秀者咸不願爲兵而亦不能爲兵矣營伍中所餘無非魯鈍一流欲求干城之選豈可得哉是非興文之良策寔乃廢武之岐途譬猶驅鄉塾生童教習櫓盾徒誤其文而已武亦莫能就也似此邀虛名而無寔益之舉將焉用之至云營伍錢糧冊籍乏人查對因此之故而令闔營俊秀子弟皆至文武兩相廢棄詎不更謬凡事但宜隨時斟酌損益期于辦理無悞則已何必思

及分外創新立異始爲美談耶三月奏報烏蒙貼苗婦陸氏不法傷雲南兵已檄永寧遵義將弁援勦

諭獎其機宜妥協會四川雷波土司楊明義陰助陸氏誘附近結鸞阿路阿照平底等苗劫糧陸氏就拏廷桂及鍾琪請勦明義

詔廷桂偕總兵張耀祖會勦九月軍至拉密拏明義並獲造謀人卑租及匪目業姑物租



諭曰首惡渠魁陸續被擒朕嘉悅覽焉撫勅
餘逆無涉輕率詳慎爲之尋奏結覽賊酋雙
尺阿路賊酋魯佩及阿不羅賊酋覺過均就
擒斬賊近萬

諭曰覽奏斬獲情形何啻獵人弋獲禽獸倘
其退仍復如故將如之何亦豈有盡行殺戮
不留餘類之理乎當詳思善于措置之道爲
要十月奏勦附近黃螂之確里密等處枝夷
底定後併力剪除阿多及阿驢

